



REPUBLIKA E SHQIPËRISË
KOMISIONI I PROKURIMIT PUBLIK

Nr. 2664/1 prot

Datë 27.08.2026

FORMULAR PËR PUBLIKIM
LIDHUR ME VLERËSIMIN ME PIKË TË PROPOZIMEVE TEKNIKE PËR VETE
DHE PRETENDIMET MBI KUALIFIKIMIN DHE VLERËSIMIN ME PIKË TË
PROPOZIMEVE TEKNIKE TË OFERTUESVE TË TJERË

Objekt:

Shfuqizimi i vendimit të Komisionit të Vlerësimit të Ofertave lidhur me vlerësimin me pikë të propozimit teknik të paraqitur nga bashkimi i operatorëve ekonomikë “INVICTUS” SHPK dhe “HYDRO-ENG CONSULTING” SHPK në procedurën e prokurimit “*Procedurë e hapur, mbi kufirin e lartë monetar*”, me Nr.REF-90555-06-18-2026, me objekt “*Studim Projektim për: “ Ndërtimi I sistemit të furnizimit me ujë dhe Kanalizime dhe Impiantit të ujrave te Ndotura Njësinë Administrative Golem, Bashkia Lushnje*” me fond limit: 32,682,641.67 lekë pa TVSH, konvertuar në vlerën 341,476 Euro pa TVSH, zhvilluar në datën 31.07.2026 nga autoriteti kontraktor, Shoqëria Rajonale Ujësjellës Kanalizime Lushnje SH.A.

Shfuqizimi i vendimit të Komisionit të Vlerësimit të Ofertave lidhur me vlerësimin me pikë të propozimeve teknike të paraqitura nga bashkimi i operatorëve ekonomikë “ARENA MK” SHPK dhe “XH & MILER” SHPK, në procedurën e prokurimit të sipërcituar.

Ankimues:

Bashkimi i operatorëve ekonomikë “INVICTUS” SHPK me NIPT (L12213005M) dhe “HYDRO-ENG CONSULTING” SHPK me NIPT (M11417503F), si dhe adresë: Njësia Bashkiake Nr.9, Rruga “Don Bosko”, Pallati “Aurora Konstruksion”, Seksioni 4, kati 3, Ap.1, Tiranë.

Autoriteti Kontraktor: Shoqëria Rajonale Ujësjellës Kanalizime Lushnje SH.A, me adresë: Lagja “18 Tetori”, Lushnje.

Subjekt i interesuar: Bashkimi i operatorëve ekonomikë “ARENA MK” SHPK me NIPT (L67619801Q) dhe “XH & MILER” SHPK me NIPT (K72105003E), si dhe adresë: Rruga Nacionale Ballsh-Fier, Ndërtesa private Nr.2, Zona kadastrale 1566, Nr.pasurie 93/14. 9333, Dukas, Ballsh, Mallakastër.

Pranë Komisionit të Prokurimit Publik, është administruar ankimi elektronik me nr. A/2024/7206, datë 26.08.2026 dhe me nr. protokolli 2664/2026 datë 27.08.2026 e bashkimit të operatorëve ekonomikë “INVICTUS” SHPK dhe “HYDRO-ENG CONSULTING” SHPK në procedurën e prokurimit “Procedurë e hapur, mbi kufirin e lartë monetar”, me Nr.REF-90555-06-18-2026, me objekt “Studim Projektim për: “Ndërtimi I sistemit të furnizimit me ujë dhe Kanalizime dhe Impiantit të ujrave te Ndotura Njësinë Administrative Golem, Bashkia Lushnje” me fond limit: 32,682,641.67 lekë pa TVSH, konvertuar në vlerën 341,476 Euro pa TVSH, zhvilluar në datën 31.07.2026 nga autoriteti kontraktor, Shoqëria Rajonale Ujësjellës Kanalizime Lushnje SH.A.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi vlerësimin me pikë të propozimeve teknike të paraqitura nga bashkimi i operatorëve ekonomikë “INVICTUS” SHPK dhe “HYDRO-ENG CONSULTING” SHPK si dhe bashkimi i operatorëve ekonomikë “ARENA MK” SHPK dhe “XH & MILER” SHPK, në procedurën e mësipërme të prokurimit.

Bazuar në nenin 112 të ligjit nr. 162/2020 “Për prokurimin publik”, i ndryshuar, Komisioni i Prokurimit Publik do të publikojë kriteret e përzgjedhjes së fituesit që bashkimi i operatorëve ekonomikë “INVICTUS” SHPK dhe “HYDRO-ENG CONSULTING” SHPK parashtrojnë në ankesën e tij. Konkretisht si më poshtë:

4.4 Kriteret e përzgjedhjes së fituesit:

A)¹ Oferta ekonomikisht më e favorshme, bazuar në kosto x

¹ Shënim. Të gjitha kriteret e vendosura për vlerësimin e ofertave duhet të jenë sa më objektive dhe të shprehen në shifra. Në çdo rast, kur kriteret janë më shumë se një, pesha e kriterit të çmimit nuk do të jetë më pak se 50 pikë. Pikët maksimale që do të marrë një ofertë do të jenë 100 pikë. Në rastin e kontratave për shërbime me natyrë intelektuale, ku nuk mbizotërojnë aspektet fizike të veprimtarisë dhe që kërkojnë ekspertizë të posaçme, kriter për shpalljen e ofertës fituese do të jetë “oferta ekonomikisht më e favorshme, bazuar në kosto”, ku çmimi do të ketë 20 pikë dhe propozimi teknik 80 pikë.

Sipas rëndësisë:

Çmimi

☐ **pikët 20**

Propozimi Teknik

☐ **pikët 80**

Vlerësimi i Propozimeve Ekonomik kryhet sipas formulës së mëposhtme:

Pe - Pikët për Propozimin Ekonomik

Çu - Çmimi më i Ulët i Ofruar

Ç - Çmimi Ofertues i Radhës (duke filluar nga çmimi më i ulët)

$$Pe = 100 \times \frac{\text{Çu}}{\text{Ç}}$$

(çmimi më i ulët = pikët maksimale për propozimin ekonomik)

Vlerësimi i Propozimeve Teknike kryhet duke marrë parasysh kriteret e mëposhtme:

Kriteret e Vlerësimit

Pikët

(i) Përvoja per Punë të Ngjashme të Konsulentit

[0-10]

Nënkriteret

i/a Përvoja për punë të ngjashme

40-80%

Operatorët ekonomikë, të vlerësohen sipas kontratave të sukseshme të ngjashme me objektin e prokurimit.

i/b. Kapaciteti ekonomik dhe certifikatat e standardeve të cilësisë 10-20%

Operatorët ekonomikë të vlerësohen sipas kapacitetit ekonomik dhe certifikatave të standardeve të cilësisë së paraqitur në ofertë.

Në çdo rast, anëtarët e Komisionit të Vlerësimit të Ofertave në mënyrë individuale duhet të argumentojnë dhe dokumentojnë lidhur me mënyrën e pikëzimit, sipas nënkritereve të mësipërme.

(ii) Metodologjia e Propozuar

[20-30]

Nënkriteret

ii/a. Përqasja teknike dhe metodologjia

[20-30%]

ii.b Plani i punës dhe grafiku i dorëzimit të projektit [30-40%]

ii.c. Organizimi i Stafit

[20-30%]

ii/a. Përqasja teknike dhe metodologjia: Konsulenti duhet të shpjegojë që i ka kuptuar objektivat e detyrës së dhënë në Detyren e Projektimit, përqasjen teknike, metodologjinë për të realizuar aktivitetet e ndryshme, duke përfituar rezultatet e pritura dhe shkallën e detajimit të këtyre rezultateve. Konsulenti duhet të paraqesë problemet kryesore dhe rëndësinë e tyre dhe të shpjegojë përqasjen teknike që do të adaptojë për zgjidhjen e tyre. Konsulenti duhet të shpjegojë metodologjinë që propozon të adoptojë dhe të paraqesë kompatibilitetin e këtyre metodologjive

me qërqasjen e propozuar (konsulenti në këtë rast nuk duhet të përsërisë/kopjojë Detyren e Projektimit).

ii/b. Plani i Punës dhe grafiku i dorëzimit të projektit: Konsulenti duhet të propozojë aktivitetet kryesore të detyrës, përmbajtjen dhe kohëzgjatjen e dorëzimit të projektit, fazat dhe ndërlidhjen midis tyre, etapat e dorëzimit të raporteve dhe projektit. Plani i propozuar i punës duhet të përputhet me përjasjen teknike dhe metodologjinë, duke treguar se i ka kuptuar kërkesat e Detyren e Projektimit në plan pune konkret. Gjithashtu, duhet të tregojë aftësinë për t'i transformuar kërkesat e Detyres së projektimit në plan pune konkret. Një listë e dokumentave përfundimtare përfshirë raportet, vizatimet dhe tabelat të cilat duhen dorëzuar, duhet përfshirë në këtë kapitull.

ii/c. Organizimi dhe Staf: Konsulenti duhet të përshkruajë kompozimin dhe strukturën e skuadrës së tij, listën e ekspertëve kryesore, stafin mbështetës, CV e firmës dhe personelin ekonomiko-administrativ.

Në çdo rast, anëtarët e Komisionit të Vlerësimit të Ofertave në mënyrë individuale duhet të argumentojnë dhe dokumentojnë lidhur me mënyrën e pikëzimit sipas nënkritereve të mësipërme.

(iii) Kualifikimet e Stafit Kryesor të Propozuar [20-60]

Numri i pikëve që do të vendoset për çdo pozicion apo specialitet duhet të përcaktohet duke marrë në konsideratë nënkriteret e mëposhtme dhe peshën përkatëse në përqindje:

a- Kualifikim i përgjithshëm [5-20%]

b- Eksperienca në fushën përkatëse [30-80 %]

- Kualifikimi i përgjithshëm përfshin: arsimimin përkatës dhe trajnimet, vitet e eksperiencës.
- Eksperienca në fushën përkatëse përfshin: eksperienca në sektorin specifik, fushën përkatëse, të lidhura këto me pozicionin e përcaktuar në stafin kryesor.

Në çdo rast, anëtarët e Komisionit të Vlerësimit të Ofertave në mënyrë individuale duhet të argumentojnë dhe dokumentojnë lidhur me mënyrën e pikëzimit, sipas nënkritereve të mësipërme.

Nëse transferimi i njohurive nuk aplikohet (nuk kërkohet), atëherë pikët maksimale të parashikuara për vlerësimin e këtij kriteri duhet t'i shtohen kriterit “Kualifikimet e Stafit kryesor të propozuar”.

Vlerësimi përfundimtar

Peshat për Propozimet Teknike dhe Financiare janë dhënë si më poshtë:

Pesha për Propozimin Teknik: $X = (\text{pikët e propozimit teknik} \times 0.8)$

Pesha për Propozimin Ekonomik: $Y = (\text{pikët e propozimit ekonomik} \times 0.2)$

Oferta më e mirë do të jetë sipas kombinimit të pikëve të propozimit teknik dhe propozimit ekonomik. Formula e llogaritjes është si më poshtë:

Oferta më e mirë = $X + Y$

Publikuar në regjistrin e ankesave më datë 27.08.2026.

KOMISIONI I PROKURIMIT PUBLIK

Nënkryetar
Gjergj Mersini

Anëtar
Edvin Simo

Anëtar
Donika Daci

Anëtar
Nertil Kanina

Kryetar
Ismail Shehu